

唐千金類方

上海千頃堂書局發行
嚴如經署

後學三水黃恩榮幹南編述

三男 中醫藥學專門畢業 陳景山 廣州中醫藥大學學士 君校對
學生 廣州中醫藥大學學士 覆校

胃脘脉論第一

胃虛實第二

喉嚨論第三

反胃第四 酢咽附

嘔吐噦逆第五 惡心附

噎塞第六 哽附

脹滿第七

痞冷積熱第八 寒疝骨莖附

胃脘脉論第一

論胃脘

論曰胃脘者主脾也口脣者是其候也脾合氣于胃胃者水穀之腑也號倉庫守內
嗇吏重二斤十四兩迂曲屈伸長二尺六寸大一尺五寸徑五寸受水穀三斗五升
其中當留穀二斗水一斗五升廣脘音改類下曰類大頸張胸五穀乃容而滿上焦泄氣出

其精微慄悍滑疾下焦下溉泄諸小腸此腸胃所受水穀之數也平人則不然胃滿則腸虛腸滿則胃虛更滿更虛氣得上下五臟安定血脉和利精神乃居故神者水穀精氣也五臟不足調于胃故腸胃之中當留穀二斗四升水一斗一升故人一日再至後作甲乙後二升半一日中五升七日五七三斗五升而留水穀盡故平人不飲食七日而死者水穀精氣津液皆盡故七日而死矣

脾應肉

音若素問脫肉如塊者謂用膝後肉

肉腠堅大者胃厚肉腠作一本者胃薄肉腠小而

麼者胃不堅肉腠不稱其身者胃下胃下者腕約肉腠不堅者胃緩肉腠無小果累

標緊者胃急肉腠多小果累者胃結胃結者胃上腕約不利

論胃病

扁鵲云足太陰與陽明為表裏脾胃若病實則傷熱熱則引水漿常渴虛則傷寒寒則苦飢常痛發于風水其根在胃先從四肢起腹滿大通身腫方在治水篇中即第十二

卷水腫門胃水方

胃脹者腹滿胃管痛鼻聞焦臭妨于食大便難

胃中有癖食冷物者痛不能食食熱則能食脾前受病移于胃脾效不已嘔吐長蟲厥氣客于胃則夢飲食

病先發于胃脹滿五日之腎小腹腰脊痛脛痠三日之膀胱背脊筋痛小便閉五日

上之心脾心痛閉塞不通身痛體重上之三日不已死冬夜半後夏日昃

論胃病脉

診得胃脉病形何如曰胃脉實則脹虛則洩

脉浮而芤浮則為陽芤則為陰浮芤相搏胃氣生熱其陽則絕

跌陽脉浮大者此胃家微虛煩圓必日再行動作頭痛重熱氣朝者屬胃

胃脉搏堅而長其色赤當病折髀其栗而散者當病食痺髀痛

論胃經脉

足陽明之脉起于鼻交頤中旁約太陽之脉下循鼻外入上齒中還出俠口環唇下

交承漿却循頤後下廉出大迎循頰車上耳前過客主人循髮際至額顙其支者從大

迎前下人迎循喉嚨入缺盆下膈屬胃絡脾其直者從缺盆下乳內廉下俠臍入氣

街中其支者起胃下口循腹裏下至氣街中而合以下髀關抵伏兔下膝入臄中下

循胫外廉下足跗入中指內間其支者下膝三寸而別以下入中指外間其支者跗

上入大指間出其端是動則病悽悽振寒善伸數欠顏黑病至誣

火聞木音則惕然而驚心動欲獨閉戶牖而處甚則欲上高而歌棄衣而走責嚮腹

脹是為飢厥是主血所生病者狂瘧溫淫汗出軌衄口喎唇緊頸腫喉痺大腹水腫

膝腫痛。循膺乳街股伏兔。胛外廉足跗上皆痛。中指不用。氣盛則身以前皆熱。其有餘于胃。則消穀善飢。溺色黃。氣不足。則身以前皆寒。慄。胃中寒。則脹滿。盛者。則人迎大三倍于寸口。虛者。則人迎反小于寸口。

胃經刺法

右手關上陽絕者。無胃脉也。苦吞酸。頭痛。胃中有冷刺足太陰。治陰在足大指本節後一寸。

右手關上陽實者。胃實也。苦腸中伏伏。一作幅幅不思食。得食則不能消。刺足陽明治陽。在足上動脉。

胃病者。腹脹。脹胃脘當心而痛。上支兩脇。膈咽不通。飲食不下。取三里。飲食不下。膈塞不通。邪在胃脘。在上脘則抑而刺之。在下脘則散而去之。胃瘡。令人旦病也。善飢而不能食。食而支滿。腹大刺足陽明太陰横脉。出血。

胃實熱

右手關上脉陽實者足陽明經也病苦頭痛脉經作腹中汗不出如溫瘧脣口乾善

噦乳癰缺盆腋下腫痛名曰胃實熱也

瀉胃熱湯

梔子仁

射干

升麻

茯苓各二兩

芍藥四兩

白朮五兩

生地黄汁

赤蜜各一升

右八味呖咀以水七升煮取一升半去滓下地黄汁煮兩沸次下蜜煮取三升分三服多少以意加減

胃經實熱尚未入腑頭痛汗不出脣乾善噦乳癰甚則缺盆腋下腫痛陽明脉從缺盆下乳內廉陽明升降之路不通瀉胃熱湯升麻升清陽射干梔子仁降鬱火芍藥生地汁瀉血熱白朮茯苓滲脾濕赤蜜滋胃津惟其實熱在經不在腑故瀉胃之熱而非瀉胃之實耳

幹南按千金所言胃實熱者胃經實熱非胃腑實熱也傷寒陽明經實熱大汗煩熱口燥用白虎腑實熱多汗譫語屎鞭用承氣今不用白虎以病非傷寒溫毒邪熱在經頭痛汗不出脣乾善噦乳癰及缺盆腋下腫痛皆經病不得不別

立治法。以補傷寒陽明實熱諸方所不及。且陽明傷寒實熱無濕而溫。毒陽明實熱挾濕。故白朮不禁用。

灸法

胃中熱病。灸三里三十壯。穴在膝下三寸。

胃虛冷

右手關上脉。陽虛者。足陽明經也。病苦脛寒。不得卧。惡風寒。灑灑目急。腹中痛。虛鳴。外臺作耳虛鳴。時寒時熱。脣口乾。面目浮腫。名曰胃虛冷也。

補胃湯 治少氣口苦身體無澤

防風

柏子仁

細辛

桂心

橘皮

芎藭

吳茱萸

人參

各三兩

甘草

一兩

右九味。㕮咀。以水一斗。煮取三升。分為三服。

胃經虛冷。外傷于表。少氣口苦。身體無澤。陽明水穀精氣已虧。補胃湯。桂心。甘草。防風。護表虛。芎藭。細辛。橘皮。吳茱萸。開濕鬱。柏仁。本經。柏實。安五臟。潤澤。美色。人參。潤心。肺。惟其虛冷。

在經。氣少。口苦。身體無澤。皆經病。

不在腑。無嘔吐泄利諸病。

故但取橘萸之苦。溫無事。薑附之辛。熱用藥。

極有斟酌。

人參散 補胃虛寒身枯絕諸骨節皆痛

人參

甘草

細辛

各六兩

麥門冬

桂心

當歸

各七分

乾薑

二兩

遠志

一兩

吳茱萸

二分

蜀椒

三分

右十味治下節食後溫酒服方寸匕

胃經虛冷外傷于表身枯絕則不獨身體無澤骨節皆痛則不獨氣少口苦陽明水穀精氣愈虧如上法易味人參散桂心甘草護表虛細辛蜀椒乾薑吳茱萸開濕冷當歸通血痺遠志麥冬別錄麥冬肥健美澤色人參潤心肺食後酒服升發胃氣使游溢皮毛骨節而身枯絕骨節皆痛亦除

卷之五
不從
明
實
...

...

...

...

...

...

...

...

...

...

...

...

...

...

...

...

...

喉嚨論第三

論曰喉嚨者脾胃之候也重十二兩長一尺二寸廣二寸其層圍十二重應十二時
主通利水穀之道往來神氣若臟熱喉則腫塞氣不通烏嚙膏主之方在第六卷中
七竅門喉病第七 若腑寒喉則耿耿如物常欲窒瘡痺涎唾一本多母薑酒主之句 熱則開之寒則通

之熱不寒依臟調之其方具第六卷中後篇噎塞第七映宋本無此方今從別本補出

烏嚙膏 喉嚨者脾胃之候若臟熱喉則腫塞神氣不通此方主之

生烏髮 十兩 升麻 三兩 羚羊角 二兩

薔薇根 升切一 艾葉 六銖生 芍藥 二兩

通草 二兩 生地黃 切五 猪脂 二斤

右九味㕮咀綿裹苦酒一升淹浸一宿納猪脂中微火煎取苦酒盡膏不鳴

為度去滓薄綿裹膏似大杏仁納喉中細細吞之

母薑酒 臟熱咽門則塞而氣閉若腑寒則破而聲嘶此證宜服之乃效

母薑汁 一升 酥 牛髓 油 各一

桂心 秦椒 各一 防風 半兩 芎藭

獨活 各一兩 右九味為末納薑汁中煎取相淹濡下髓酥油等令調微火三上三下煎平

旦溫清酒一升下三合膏即細細吞之日三夜一。

寸緊尺澀其人胸滿不能食而吐吐出者為下之故不能食設言未止者此為胃反故尺為之微澀

跌陽脉浮而澀浮即為虛澀即傷脾脾傷即不磨朝食暮吐暮食朝吐宿穀不化名為胃反跌陽脉緊而澀其病難治

水飲積熱 方二首

方 治胃虛反食下喉便吐

人參 一兩 澤瀉 甘草 桂心 各二兩 橘皮

乾薑 各三兩 茯苓 各四兩 青竹茹 各五兩 大黃 六兩

右九味咬咀以水八升煮取三升一服七合日三夜一已利者去大黃

水飲積熱不能運化精微邪熱不殺穀胃虛反食下喉便吐澤瀉茯苓合桂心五苓散有桂枝逐

水飲橘皮乾薑降濁痰重用竹茹合大黃瀉積熱輕用人參甘草補胃虛六腑以通

為補已利則去大黃而胃虛反食下喉便吐以除

方 治胃反吐逆不消食吐不止

人參 澤瀉 桂心 各二兩 茯苓 各四兩

橘皮 甘草 黃耆 各三兩 大黃 一兩

生薑 八兩

半夏 一升

麥門冬 三升

右十一味。㕮咀。以水一斗二升。煮取三升二合。一服八合。日三夜一。羸人六合。已利者去大黃。

水飲積熱。不能運化。精微胃反吐逆。不消食。吐不止。澤瀉。茯苓。合桂心。逐水氣。橘皮。半夏。生薑。代乾薑散濁飲。輕用大黃。瀉積熱。重用麥冬。本經治傷中傷飽。胃絡脉絕。佐黃耆。人參。甘草。補胃。傷六腑。以通為補。已利。仍去大黃。而胃反吐逆。不消食。吐不止。亦除。

水飲鬱熱

方二首

方 治胃反食即吐。出上氣。

蘆根

茅根 各二兩 細切

右二味。以水四升。煮取二升。頓服之。得下良。

水飲鬱熱。不能運化。精微胃反食即吐出。至上氣變上法。蘆根。清氣分鬱熱。茅根。散血分伏火。合甘寒濡潤之品。清降肺胃。而胃反食即吐出。上氣亦除。

方 治胃反食即吐。

擣粟米作麴。水和作丸。如楮子大七枚。爛煮。納醋中。細細吞之。得下便已。麴亦得用之。

水飲鬱熱。不能運化。精微胃反食即吐。粟米。別錄。粟米。陳者。清胃熱。苦酒散水氣。合

苦寒酸溫之品收斂腸胃而胃反食即吐出亦除

水飲傷津 方三首

方 治胃反而渴

茯苓

澤瀉

半夏 各四兩

桂心

甘草 各三兩

右五味㕮咀以水五升煮取二升分三服一方入生薑四兩

水飲傷津不能運化精微胃反而渴澤瀉茯苓合桂心逐水氣半夏消濕痰甘草滋胃液渴不用樓根反用半夏以渴由水逆水去渴止而反胃自除不必泥渴去半夏之例一方入生薑所以助半夏所不及耳

大半夏湯 治胃反不受食食已即嘔吐

半夏 三升

人參 二兩

白蜜 一升

白朮 一升

生薑 三兩

右五味㕮咀以水五升和蜜揚之二三百下煮取一升半分三服

水飲傷津不能運化精微胃反不受食食已即嘔吐大半夏湯重用半夏佐生薑逐水飲輕用人參合白朮白蜜生胃津妙揚水煮藥急行緩下順而易流以制痰氣之逆而胃反不受食食已嘔吐亦除

方 治反胃大驗

前胡

生薑 各四兩

阿膠 一兩

大麻仁 五合

橘皮 三兩

吳茱萸四合 桂心三寸 甘草五寸 大棗十枚

右九味。㕮咀。以水三升。酒二升。煮取一升七合。分二服。

水飲傷津。不能運化。精微反胃。桂心甘草生薑大棗。合前胡。逐水飲。橘皮吳萸。降濁痰。阿膠麻仁。滋血液。水酒合煮。益陰助陽。水精四布。津液下流。而反胃亦愈。

水飲阻氣方二首

方 治胃反。朝食暮吐。食訖腹中刺痛。此由久冷。

橘皮三兩 甘草 厚朴 茯苓

桂心 細辛 杏仁 竹皮各二兩

檳榔十枚 前胡八兩 生薑五兩 人參一兩

右十二味。㕮咀。以水一斗三升。煮取三升。分三服。一方有甘草二兩

水飲阻氣。不能運化。精微胃反。朝食暮吐。食訖腹中刺痛。久冷。桂心甘草生薑杏仁。合前胡茯苓。逐水飲。橘皮厚朴。合檳榔。消氣滯。竹皮清絡熱。人參補胃傷。而胃反朝食暮吐。食訖腹中刺痛。久冷亦除。

又方

橘皮三兩 白朮 人參各二兩 蜀椒一百二粒

桂心一兩 薤白一握

右六味咬咀以水二升漬一宿經羊肚中縫合以三升水煮水盡出之洗研去滓分三服

水飲氣阻不能運化精微胃反朝食暮吐腹中刺痛證如前桂心蜀椒逐冷飲橘皮薤白消滯氣人參白朮補胃傷妙羊肚合煮取甘溫至味調理和平而胃反朝食暮吐腹中刺痛亦愈

水飲成癖

方 華佗治胃反為病朝食暮吐心下堅如杯升往來寒熱吐逆不下食此為關上寒癖所作將成肺痿治之

真珠

雄黃

丹砂各三兩

朴消五兩

乾薑十累

右五味末之蜜丸先食服如梧子三丸若小煩者飲水即解勿怪然無所忌神良無比一方用桂心一兩

水飲成癖不能運化精微胃反朝食暮吐心下堅如杯升往來寒熱吐逆不下食將成肺痿其證效唾逆涎沫病變至深乾薑溫冷飲真珠丹砂雄黃朴消開寒癖妙取金石通靈之藥深入經絡而胃反朝食暮吐心下堅如杯升吐逆不下食將成肺痿亦除

幹南按此方治蟲積嘔吐

通治方

方三首

方 治胃反食即吐出上氣

燒先死雞臍脰灰酒服男雄女雌雞臍脰治反胃消酒積

又方 飲白馬尿即止白馬弱治反胃殺蟲

又方 淘小芥子暴乾為末酒服方寸匕日三

灸法

反胃食即吐出上氣灸兩乳下各一寸以瘡為度

又灸臍上一寸二十壯

又灸內踝下三指稍斜向前有穴三壯外臺秘要三指作一指

酢咽附方三首

方 治酢咽

麴末一斤 地黄三斤

右二味合搗日乾以酒服方寸匕日三服

食後酢咽飽力傷中專用麴末消食滯重用地黃本經治傷中別錄去補胃傷酒服

溫行而酢咽自愈